



SULEQATIGISSLITSISUT
SAMARBEJDSPARTIET

UPA2019/128

Tillie Martinussen

3. april 2019 – (Siullermeerneqarnera)

Nunatsinni innarluutillit ilinniartitaanikkut suliffeqarnikkullu atugaannik misissuinerup kingusinnerpaamik UPA 2020-mi saqqummiunneqarnissaanik Inatsisartut aalajangiiffigisassaattut siunnersuut. Ilinniarfiusinnaasutut suliffiusinnaasutullu piukkunnaatillit qanoq tapersorsorneqartignerannik aammalu inunnit pineqartunit inuiaqatigiinnillu pisariaqarneratut atorneqartignerannik erseqqinnerusumik qulaajaanermik misissuineq imaqassaaq, soorluttaaq misissuineq innarluutillit ilinniartitaanerannut suliffeqarneranullu tunngasumik siunissami ilisimasaqalernissamut qulakkeerinnittumik aalajangiisoqarneranik malitseqartinneqassasoq.

(Inatsisartunut ilaasortaq Aqqa Samuelsen, Inuit Ataqatigiit)

Isumaqaataavugut misissuinerup ingerlattariaqarneranut.

Taamaakkaluartorli oqartariaqarpugut nunatsinni inunnut assigiinngitsunut ilisimasagut ilisimasariaqakkagullu tunngavigalugit aamma iliuuseqarnissaq pisariaqarpoq.


Pisariusuliortoqartariaqanngilaq. Naalakkersuisunut ataatsimiitaliamullu siunnersutigissavarput Nuna tamakkerlugu peqatigiiffimmut Inoqqaanut attaveqassasut siunertaralugu Danmarkimi kattuffimmut LEV-mut attaveqarnissaq kiisalu allanut kattuffinnut innarluutillit ilinniartitaanerannut suliffeqarneranullu tunngasumik sulialinnut.

2015-mili taamani Naalakkersuisuusoq innarluutillit ilinniartitaanerannut suliffeqarneranullu tunngasunik siunnersuuterpaalunniq tunineqarpoq. Siunnersutiniipput inatsisissatut siunnersuut, misissuinerit inernerri. namminersorlutik inuutissarsortunut misilittakkat aamma suliffiit, ajornanngissusaat aamma ilisimasat inunnut timikkut tarnikkullu piginnaasakitsunut - kiisalu inuit sulilersinnaanissaminut immikkut ajornartorsiutillit kiisalu ilinniartitaaneq pillugit.

Ilungersunaqaaq ilisimasat tamakku tammarsimammata aamma Naalakkersuisut nikinnerisa kingorna aallaqqaataaniik aallarteqqittariaqartarnerput - tamanna pikulasalernikuummat.

Inuit misissuinerit ujartugaat takuneqarsinnaareerput sullisisut allattugaataanni aamma neriuppunga tamarmik iliuusissanut pilersaarusuunneqareersimassasut, journaleqarlutillu aallaavagineqarsinnaasunik. Inuit pineqartut oqaloqatigineqarneri, nakorsat oqaloqatigineqartarneri imaluunniit inunnik isumaginnittoqarfinni journalii taakkulu qanigisaannut tunngasut pigineqareertarmata - periarfissaqarluarpoq pitsasunik sulianik ingerlatsisoqarsinnaanissaa.

Tamakkununnga ilanngunneqarsinnaapput Tiliaoq-mi misilittakkat, kiisalu sulisarsimasut imaluunniit suli innarluutilinnik sullissisuusut ilisimasat misilittagaallu kiisalu nunani allani misilittakkat atorluarneqarsinnaapput soorlu Danmarkimi aallartitaq K LAP, tunngaviulluarsinnaagaluarpoq sinaakkusersuinermi aallaavittut, suliarlu aallartillugu inuiaqatigiinnut, inunnut innarluutilinnut aamma suliffeqarnermut nuannaarutissanngorlugu.



SULEQATIGIISSTSUT
SAMARBEJDSPARTIET

Ilumoorpoq taamatut ittoq misissuineq annerusumik pitsaanerusumillu ilisimasaqalersitsissammat taamaattumik soorunami tapersorsorparput. Kisianni pineqartoq pissutigiinnarlugu suliaqarnaveersaartariaqanngilagut.

Suliaq aallartinneqareeriarli aamma isumagineqarli inuutissarsiortut ilinniarfiillu akuutinnejarnissaat. Puigornagillu timersorneq aamma massakkoruinnaq peqataatisinissaq, tassunakkut inuuneq pitsaanerusoq peqqinnerunerlu tamakkununnga innuttaaqaterpassuarnut qularnaarneqarsinnaammatt.

Soorunami tamatta suliffeqarnermi ilinniarfinnilu inissaqartinneqartariaqarpugut. Tamannami inuiaqatigiinni suleqatinut, meeqqanut inersimasunullu iluaqutaasussaavoq, innuttaasut tamarmik sulilersinnaasuuppata ulluinnarni aamma sumi tamaani.

Inuit assiginngitsunik innarluutillit ilittut uattullu ipput, tamatta aamma eqqorneqarsinnaavugut. Nuannersumik sulineq aamma ilinniarluarsimanissaq tamanut perarfissaasariaqarpoq.

Taamatut oqaaseqarluta siunnersuut manna ataatsimiitaliamut ingerlateqqipparput neriuulla massakkoruinnaq qanoq iliorsinnaanerput pillugu inerititaqarfiusumik oqallittoqarumaartoq. Puigornagu kattuffiit susassaqartut aggersarlugit kaffillerfigineqalaarnissaat.

Taavalu: Isumaqpugut manna Inatsisartut Ataatsimiittarfiat Inatsisartullu innarluutilinnit iserfigineqarsinnaasariaqartoq. Suliffeqarneq eqqartoratsigu sinaakkusersuisariaqarpugut innuttaasut pisagut tusarnaariarsinnaalersillugit - aammali massakkut uuminnga mikrofonimik atukkannik atuisinnaalernissaat qularnaarlugu.

Qujanaq oqaaseqarsinnaagama.